

Ze barri?

ESKORIATZA / Egubakoitza / 2005eko urriaren 14a / 226. zenbakia

KOORDINATZAILEA: Iker Barandiaran • Otolara 31 ARRASATE 20500 • Tel.: 943 71 25 11 • Faxe: 943 71 23 89 • Posta elektronikoa: zebarri@goiena.com • Lege gordailua: SS200/99

Bi hotel zabalduko dituzte udalerrian: bata Torrebason eta bestea erdialdean

IKER BARANDIARAN

Marka handia Eskoriatzarena: ostatu eskaintzarik ez izatetik bi hotel izatera, hain zuzen. Torrebason egiten dabiltzana, Mendigoia, urtea bukatu aurretik inauguratuko dute. Eta Azkoaga etxea ere hotel bihurtu gura dute. Hala, aurten hasi gura dituzte lanak.

Aspaldi hasi ziren Torrebaso inguruan Mendigoia hotela eraikitzen, eta dagoeneko gauza gutxi falta dira lan guztia bukatzeko. Arduradunek ez dute data zehatzik eman gura, baina ziurtatu digute urtea bukatu aurretik hotela zabalik egongo dela. "Logelen arteko banaketa eginda dago, batez ere altzariak jartzea, eta baxuan jarriko dugun sukaldia bukatzea falta zaigu", azaldu zigun hoteleko arduradun Azucena Suengasek.

85 LOGELA, HORIETAKO BI SUITEAK

Hotelak 85 logela izango ditu, eta horietako bi suiteak izango dira. Aditza eman digutenez, guztiak izango dute aire girotua eta moder-noak izango dira.

Hotelak 300 lagunendako jan-gela-aretoa izango du, enpresek erabil dezaten edo ospakizun bereziak egin ahal izateko. Eguneko



Torrebason, laster, Mendigoia hotela inauguratuko dute; eta Azkoaga etxean, hotel txiki bat egiteko proiektua dute.



menuak emateko asmoa dute, eta bestelako janak ere emango dituzte. Horrez gain, *paddle*-ean jokatzekeo pistak jarri gura dituzte, besteak beste. Hotelak 20 autoren-dako aparkalekuak izango ditu, eta industrialdeko plazak ere erabiliko dituzte.

Arduradunek esan digute ikusi zutela ibarrean kooperatibak

**Torrebasoko
Mendigoia hotelak
85 logela, areto
handi bat eta
jateetxea izango ditu**

erakartzen duen jende guztia-
rendako eskaintza txikiegia dago-
ela. Horrez gainera, uste dute
Eskoriatza oso leku estrategiko-
an dagoela eta Euskal Herria bis-
tatu gura duten turistek Deba-
goiena ezagutu eta hemen ibilal-
diak egin ditzaketela.

Mendigoia arduradunak
Udalarekin harremanetan jarri

ziren, Eskoriatzako eta ibarreko
jendea kontratatu gura dutelako.
Udaletxean curriculumak batu
zituzten eta oso harrera ona izan
zuen. 200 bat eskaera jaso zituz-
ten, eta dagoeneko egin dute lehe-
nengo aukeraketa. "Hotela abian
jartzeko 20 bat lagunek osatuta-
ko pertsona beharko dugu, eta
%95 Debagoienekoa izango dira",
azpimarratu zuten.

AZKOAGA ETXEA HOTEL BIHURTUKO DUTE

Azkoaga tabako-dendako ardu-
radun Vicente Azkoagak hotela
jarri gura du familiaren etxean.
"1999an hasi ginen aukera hori
aztertzen, eta dagoeneko proie-
tua ia bukatuta daukagu".

Hotel txikia izango da. Segu-
ruenik 15 bat logela izango ditu,
eta eraikinaren estruktura, fatxa-
da eta behatokia mantendu egin
gura dituzte. Izan ere, eraikina-
ren zati nagusia XIX. mende
hasierakoa da, eta bestea XX.
mendearen hasierakoa. "Fami-
liak eraikina mantentzeko modu
bakarretakoa zen hotela bihur-
tzea, eta horregatik egin dugu.
Hala ere, saiatuko gara hotel
kuttuna egiten, txikia eta polita".

TABAKO-DENDA JOSE ARANARA

Lanak hasi aurretik, asteen, taba-
ko-denda Jose Arana kaleko 9.era
eramango dute.

Gaur, egubakoitza, kontzertua egingo dute Ibarraundin

I.B.

**Gaur, egubakoitza, hari-
laukote batek kontzertua
egingo du Ibarraundin,
22:00etan. Besteak beste,
Lertxundi, Aranburu, Mozart,
Bach eta Hendelen piezak
joko dituzte.**

Azkenaldian Ibarraundin gero
eta gauza gehiago antolatzen
dituzte. Gaur, egubakoitza,
Arrasateko hari-laukote batek

emanaldia egingo du. Xabier
Elkorobarrutia biolontxelo
jotzaileak eta Amaia Artza-
mendi, Amaia Garro eta
Domentx Uzinek, hirurak biolin
jotzaileak, osatzen dute taldea.
Gaur egun, horietako hiru musi-
ka irakasleak dira.

Orain dela 15 bat urte sortu
zuten taldea musika ikasleak
zirenean eta Juanito Artza-
mendik zuzendutako orkestra
sinfonikoan bat egin zutenean.
Orditik hona ehunka emanal-

di egin dituzte: Gasteizen,
Donostian, ibarrean... Ekitaldi
ofizialetan, ezkontzetan...

MUSIKA ESKOLAKO IRAKASLE

Taldeko arduradun Amaia Artza-
mendi Eskoriatzako musika esko-
lako irakasle da, besteak beste.

Ordubete inguruko emanal-
dian, euskal kantak (Benito Lert-
xundi, Luis Aranburu...), klasi-
koak (Vivaldi, Mozart, Bach...),
barrokoak (Hendel) eta bestela-
koak joko dituzte.



Argazkian, Domentx Uzin eta Amaia Arzamendi Arrasateko eskolako orkestrarekin.

BIZIGUNE PROGRAMAREN LEHENENGO PAUSOAK EMAN DITUZTE

Etxebizitza hutsak errentan jartzeko erraztasunak abiarazita

IKER BARANDIARAN

Iaz, Udalak eta Jaurlaritzako Etxebizitza eta Gizarte Gaietako Sailak Bizigune programaren gaineko hitzarmena egin zuten. Herrian hutsik dauden etxebizitzak errentan jartzeko ekimen berezia abian jartzea erabaki zuten. Jaurlaritzak dirulaguntzak bideratu, eta Udalak herritarrei zerbitzu berezia eskaintzea erabaki zuten.

Hitzarmena sinatu baino lehenago, Udalak ikerketa bat egin zuten aztertzeke herrian zenbat etxebizitza dauden hutsik. 50 bat etxebizitza zenbatu zituzten. Jaurlaritzak Udalaren ikerketa baliatu zuten bere datu baserako.

ZERBITZUAREN BERRI, ETXEZ ETXE

Lehenik eta behin, Udalak herritarrei aditzera eman die Bizigune programak zer abantaila eskaintzen dien. Horretarako, astean horren gaineko eskuorriak banatu dituzte etxez etxe.

Interesatuiei arreta egingo diete eguaztenetan, 12:00etatik 13:30era, udaletxean

Programa horren bitartez, etxebizitza hutsik daukaten eta errentan jartzen duten lagunek hainbat abantaila izango dituzte: Jaurlaritza arduratuko da hileko errenta jaso dezaten ziurtatzen, etxebizitza zaintzen, etxebizitza berritzeko interes bako dirulaguntzak ematen, eta etxebizitzaren alokatzea kudeatzen.

ERRENTA DUINA ORDAINTEKO AUKERA
Horrez gain, etxebizitza errentan hartu gura dutenek duten diru sarreraren arabera errenta ordaindu beharko dute, eta Etxe-



Udalak egindako ikerketaren arabera, herrian 50 bat etxebizitza daude hutsik.

bideko erregistroan izena emanda izan. Baldintzak honako hauek dira: Etxebiden izena ematea, etxebizitza errentan hartu baino 2 urte lehenago jabetzan etxebizitzarik ez izatea, EAeko

errolan izena emanda urtebetez egotea, eta diru sarrerak 3.000 euro eta 21.100 euro bitartekoak izatea. Interesatuak jo eguaztenetan udaletxera edo deitu 943 37 61 89 telefono zenbakira.

TELEFONO JAKINGARRIAK

ESKORIATZA	
Udaletxea	943 71 44 07
Udal bulegoak	943 71 45 32
Udalzaingoa	943 71 44 07
Euskaltegia	943 79 21 68
Kultura etxea	943 71 46 88
Gizarte laguntzailea	943 71 31 36
Kirol etxea	943 71 53 28
Liburutegia	943 71 31 35
Luis Ezeiza	943 71 53 56
Jose Arana Almen Ikastola	943 71 44 86
Almen	943 71 49 07
Museo Eskola	943 71 54 53
Antoki	943 71 40 77
HUHEZI	943 71 41 57
Osakidetzak	943 71 44 52
Telesko	943 71 49 17
Taxiak	943 71 40 59

BESTELAKOAK	
Eskualde ospitalea (Arrasate)	943 00 53 00
Gurutze Gorria (Bergara)	943 76 55 76
Ertzaintza (Arrasate)	943 79 71 99
Suhiztaileak (Oñati)	943 79 28 00
Renfe (Zumarraga)	943 72 15 15
Renfe (Gasteiz)	945 23 20 30
PESA (Arrasate)	902 10 12 10
Lanialdiak (Arrasate)	943 77 10 43
SOS Delak	112

OHARRAK

ARETO FUTBOLA ETA SASKIBALOI

Bihar, zapatua, ohorezko ligako areto futbol taldeak ADC Basoiloak taldearen kontra jokatu du, 16:00etan. Eta 2. mailako saskibalo taldeak Colegio Basauriren kontra jokatu du, 18:00etan.

PERRETXIKOEN GAIKEKO JARDUNALDI

Luis Ezeiza eskolako guraso elkarteak jardunaldiak antolatu ditu. Bihar, zapatua, mendi irteera egingo dute perretxikoak batzeko. 09:00etan egin dute hitzordua eskolan. Eta domeka goizean perretxiko erakusketa eta dastatzea egingo dute plazan.

PUNK-OI! KONTZERTUA GAZTETXEAN

Bihar, zapatua, kontzertua egingo dute gaztetzan. Arrasateko Enboscada eta Never Surrender punk-Oi! taldeak izango dira taula gainean. 22:00etan izango da, eta bide batez erdibana kaleratu berri duten diskoa aurkeztuko dute.



Musika taldeen CDa prestatzen

Herriko hiru musika taldek eman dute izena CDa grabatzeko: Lukas Prest, Klineks eta Arianrod (argazkian). Udaleko Gazte Sailak erabaki du talde bakoitzak lau kantu grabatu eta hamabi abestiko CDa kaleratzea. Disko horren 1.000 kopia egingo dituzte, eta doan banatzeko asmoa dute. Hori aurtengo abenduan edo 2006ko urtarriean izango dela eman dute aditzera. Hiru taldeok Intxaurtuetako etxabeetan entseatzeko dute.

Hala, taldeak dagoeneko hasi dira Arrasateko Shot! grabazio estudioan kantuak grabatzen, eta esan beharra dago oso gustura daudela Udalaren ekimenarekin. /I.B.

LABUR


Perkusio eta funky ikastaroak antolatu ditu Udalak

Martitzenean, hilaren 18an, eguaztenean eta eguenean perkusio ikastaroa egingo dute 17:00etatik 20:00etara. Aintzira Gorosabel izango da irakaslea eta Udaleko Gazte Sailak antolatu du. Gehienez 15 lagunek esku hartu ahal izango dute, eta eskatu dute etxean instrumenturik daukanak ikastarora eramateko. 6 euro ordaindu beharko dira.

Horrez gain, iragarri dute azaroaren 12an, 19an eta 26an funky ikastaroa egingo dutela. Horren matrikula ere 6 eurokoa izango da. Izena emateko, jo Gazteria Zerbitzura martitzen eta eguenean.

AZKOAGA
ESTANKOA

943 71 48 77
Zure Zerbitzura



FAGOR

Fagor Ederlan

Fagor Ederlan, Elk. Koop.
Gastafadui suzoa 42
20540 Eskoriatza
Gipuzkoa
Tel: +34 943 719 000
Fax: +34 943 719 001

